

賓頭盧品第八(乞閉門十一偈)

我本經父母	生為子中尊
謹敬事其父	亦孝養於母
二親及兄弟	奴客僮僕使
吾為父母說	飲食以時節
時起貪嫉意	不當食父母
瞋恚謗於語	能得飯食財
緣是所作罪	墮大山地獄
燒炙黑繩中	更苦不可計
從地獄中出	世世所生處
常患大餓渴	勤苦而飢死
於今最後世	已還得人身
值見等正覺	導師無有上
於釋師子所	已得作寂志
成為無著道	清涼而滅度

唯仁我於是	神足能飛行
還入坎窟中	爾乃得食耳
是故當歡喜	供事於父母
一心稽首禮	保祚無有量
唯仁我識念	削所作惡行
皆受所種實	罪福不可離
賓頭盧閉門	時會在僧中
於阿耨達池	自說本所作